

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



**PROGRAM UTROŠKA SREDSTAVA VODNIH NAKNADA  
ZA 2014. GODINU**

ZENICA, FEBRUAR 2014. GODINE

## **I ZAKONSKI OSNOV ZA DONOŠENJE PROGRAMA UTROŠKA SREDSTAVA VODNIH NAKNADA ZA 2014.GODINU**

Zakonski osnov za donošenje Programa utroška sredstava vodnih naknada za 2014. godinu je sadržan u členu 178. Zakona o vodama ("Službene novine Federacije BiH", broj: 70/06) i členu 125. Zakona o vodama Zeničko-dobojskog kantona ("Službene novine Zeničko-dobojskog kantona", broj: 17/07), te u členu 42. stav 4. Zakona o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), kojim je utvrđeno da će se navedena sredstava koristiti u skladu sa programom utroška kojeg donosi Vlada Kantona, a u členu 51. stav 1. je utvrđeno da nadležno ministarstvo predlaže Vladi Kantona program potrošnje sredstava iz člana 42. istog zakona.

Budžetom Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 403, Pozicija «Namjenska sredstva za finansiranje projekata iz sredstava posebnih vodnih naknada», predviđena su sredstva u iznosu od 8.000.000,00 KM (osammiliona konvertibilnih maraka).

U vezi sa navedenim, Ministarstvo za poljoprivredu, šumarstvo i vodoprivredu (u daljem tekstu: Ministarstvo) predlaže program utroška sredstava za navedenu poziciju, pod nazivom „Program utroška sredstava vodnih naknada za 2014. godinu“ (u daljem tekstu: Program).

Prema Zakonu o vodama, sredstva vodnih naknada su strogo namjenska sredstva, a prihodi koji pripadaju kantonu usmjeravaju se na osnovu godišnjeg plana i programa kantonalnog ministarstva nadležnog za vode, u namjene iz člana 14. Zakona – zaštitne objekte, objekte za odvodnjavanje, objekte za iskorištavanje voda, te objekte za zaštitu voda od zagađivanja, kao i ostale aktivnosti vezane za poslove upravljanja vodama (izrada tehničke dokumentacije, podloga za izdavanje koncesija i dr.), u skladu sa članom 178. Zakona o vodama („Službene novine FBiH“, broj: 70/06), odnosno članom 125. Zakona o vodama („Službene novine Zeničko-dobojskog kantona“, broj: 17/07).

Zakonom o vodama („Službene novine Zeničko-dobojskog kantona“, broj: 17/07) u členu 121. svi poslovi vezani za upravljanje vodama na području Kantona, uključujući i vršenje svih stručno-tehničkih poslova vezanih za pripremu i realizaciju Programa ulaganja sredstva vodnih naknada u oblast vodoprivrede, stavljeni su u nadležnost Ministarstva za poljoprivredu, šumarstvo i vodoprivredu.

## **II OBIM PLANIRANIH ULAGANJA I NAČIN REALIZACIJE**

Ulaganja sredstava opće i posebnih vodnih naknada planirana su u skladu sa Strategijom upravljanja vodama 2010.-2022. godine (Plan realiziranja mjera za dostizanje ciljeva upravljanja vodama) i Strategijom razvoja Zeničko-dobojskog kantona za period 2010.-2020. godina (tačka 3.2.2 Razvoj regionalne infrastrukture na osnovu potreba lokalne zajednice), za realiziranje projekata i aktivnosti od značaja za Kanton, za finansiranje poslova i zadataka iz oblasti vodoprivrede stavljenh u nadležnost Ministarstva, te za izgradnju i rekonstrukciju vodnih objekata, kao i za izradu tehničke dokumentacije u dijelu upravljanja vodama za vodne objekte od općinskog i kantonalnog značaja.

Ukupna sredstava planirana u Budžetu Kantona za 2014. godinu na navedenoj poziciji iznose 8.000.000,00 KM. S obzirom da su u pitanju namjenska sredstva, planirani iznos sadrži i neutrošena sredstva iz prethodnog perioda. Ukoliko se uzme u obzir i priliv sredstava vodnih naknada u 2014. godini, može se očekivati veći iznos po ovom osnovu, tako da su sredstva planirana u Budžetu za 2014. godinu realna i raspoloživa za potrošnju, prema izvještajima Ministarstva finansija o mjesečnom prilivu sredstava vodnih naknada.

Planirana sredstva u iznosu od 8 mil. KM, koja pripadaju Ministarstvu za poljoprivredu, šumarstvo i vodoprivredu za 2014. godinu će se utrošiti za realizaciju slijedećih projekata:

- A. Naziv: Upravljanje vodama**
- Cilj projekta:** Obezbijediti strateško-plansku dokumentaciju od značaja za Zeničko-dobojski kanton, odnosno za izradu elaborata određivanja granica vodnog dobra uz vodotoke II kategorije, zatim za izradu programa odvodnje i prečišćavanja otpadnih voda Zeničko-dobojskog kantona, za izradu studije hidroenergetskog iskorištenja vodotoka II kategorije na području Zeničko-dobojskog kantona, te za izradu elaborata o stanju vodotoka na području Zeničko-dobojskog kantona sa prijedlogom mjera zaštite priobalnog pojasa.
- U okviru ove stavke planira se provođenje preventivnih mjera, aktivnosti i radova odbrane od poplava na površinskim vodama II kategorije, kao i obezbjeđenje potrebne opreme za monitoring izgradnje vodnih objekata i osnovnih sredstava za rad na terenu, za nabavku računarske opreme i software-a za vođenje informacionog sistema voda za Kanton, zatim za troškove revizija, stručnih i ekspertnih mišljenja, edukacija, seminara, podizanje javne svijesti o značaju vodnih resursa, podrška projektima u funkciji jačanja svijesti o značaju zaštite voda, prezentacija projekata i aktivnosti sektora voda u medijima.
- Iznos sredstava: 300.000,00 KM**
- B. Naziv: Izrada projektne dokumentacije za vodne objekte na području općina Kantona**
- Cilj projekta:** Obezbijediti potrebnu projektnu dokumentaciju za vodne objekte, odnosno za lokalnu infrastrukturu, prema iskazanim prioritetima od strane općinâ, u skladu sa „Odlukom o kriterijima za utvrđivanje prioriternih projekata iz oblasti upravljanja vodama od općinskog značaja za program utroška sredstava vodnih naknada za 2014. godinu“, broj: 05-25-1145/14 od 22.01.2014. godine, koja se objavljuje u Službenim novinama Zeničko-dobojskog kantona.
- Iznos sredstava: 100.000,00 KM**
- C. Naziv: Finansiranje izgradnje ili rekonstrukcije vodnih objekata (zaštitni vodni objekti, vodni objekti za korištenje voda, vodni objekti za zaštitu voda) - od općinskog značaja**
- Cilj projekta:** Podizanje stepena pokrivenosti i kvaliteta vodne infrastrukture na području svake općine, u urbanim i u ruralnim dijelovima općina, prema iskazanim prioritetima od strane općinâ, u skladu sa „Odlukom o kriterijima za utvrđivanje prioriternih projekata iz oblasti upravljanja vodama od općinskog značaja za program utroška sredstava vodnih naknada za 2014. godinu“, broj: 05-25-1145/14 od 22.01.2014. godine, koja se objavljuje u Službenim novinama Zeničko-dobojskog kantona. Raspored sredstava po općinama vrši se na osnovu Odluke o načinu raspodjele sredstava vodnih naknada u oblast vodoprivrede u 2014. godini, koju donosi Vlada na prijedlog

Ministarstva i koja se objavljuje u Službenim novinama Zeničko-dobojskog kantona. Za projekte utvrđene ovim Programom opredijeljeni iznosi kod realizacije smatraće se odobrenim iznosima, za šta nije potrebno donositi posebne zaključke Vlade. Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava za pojedinu općinu.

**Iznos sredstava: 4.600.000,00 KM**

**D. Naziv: Realizacija projekata prema ugovorenim obavezama iz prethodne godine**

**Cilj projekta:** Realizovati sve projekte, čija realizacija je ugovorena u 2013. godini, u skladu sa Programom utroška sredstava vodnih naknada za 2013. godinu, prema kojem treba realizovati 71 projekat i to 49 iz oblasti vodosnabdijevanja, 17 projekata iz oblasti odvođenja i tretmana otpadnih voda i 5 projekata koji se odnose na zaštitu od voda. Projekti će se realizovati u skladu sa odredbama zaključenih ugovora.

**Iznos sredstava: 2.523.932,04 KM**

**E. Naziv: Rezervna sredstva za interventne radove**

**Cilj projekta:** Sredstva rezerve se mogu trošiti za aktivnosti vezane za upravljanje vodama, u skladu sa članom 125, a u vezi sa članom 121. Zakona o vodama („Službene novine Zeničko-dobojskog kantona“ broj: 17/07). Kriteriji za utrošak sredstava rezerve su između ostalog: da je nastala hitnost u sanaciji, rekonstrukciji ili izgradnji vodnog objekta od interesa za Kanton i/ili općinu, da se radi o sufinansiranju projekata od interesa za Kanton i/ili općinu za koje su sredstava obezbijedena iz drugih izvora, da se radi o projektima koji su planirani po ovom Programu, za koje je u toku realizacije došlo do potrebe izvođenja naknadnih, dodatnih i/ili nepredviđenih radova, a čija realizacija je neophodna radi završetka jedne građevinske cjeline ili jedne faze radova, te za provođenje drugih mjera i aktivnosti za koje se u toku realizacije Programa pojavi potreba, sve sa ciljem efikasnog upravljanja vodama.

Utrošak sredstava rezerve zaključkom odobrava Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu.

**Iznos sredstava: 476.067,96 KM**

NAPOMENA: Iznosi opredijeljeni po pojedinim stavkama ovog Programa predstavljaju okvirnu projekciju, tako da Ministarstvo za poljoprivredu, šumarstvo i vodoprivredu može, ukoliko se za to ukaže potreba, vršiti preraspodjelu sredstava sa jedne na drugu poziciju, izuzev uvećanja ukupno planiranog iznosa po ovom Programu.

REKAPITULACIJA:

STAVKA PLANA	NAZIV STAVKE	Planirano (KM)
A	UPRAVLJANJE VODAMA	300.000,00
B	IZRADA PROJEKTNE DOKUMENTACIJE ZA VODNE OBJEKTE NA PODRUČJU OPĆINA KANTONA	100.000,00
C	FINANSIRANJE IZGRADNJE ILI REKONSTRUKCIJE VODNIH OBJEKATA (ZAŠTITNI VODNI OBJEKTI, VODNI OBJEKTI ZA KORIŠTENJE VODA, VODNI OBJEKTI ZA ZAŠTITU VODA) - OD OPĆINSKOG ZNAČAJA	4.600.000,00
D	REALIZACIJA PROJEKATA PREMA UGOVORENIM OBAVEZAMA IZ PRETHODNE GODINE	2.523.932,04
E	SREDSTVA REZERVE	476.067,96
A+B+C+D+E	SVE UKUPNO	8.000.000,00

Broj: 02-\_\_\_\_\_ -1/14.

Datum, 27.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.